

AREAL: 57 km²
FOLKETAL: 2569

AUSTRHEIM

AUSTRHEIM har fra gammalt av høyr til Lindås prestegjeld. I 1837, då det kommunale sjølvstyret vart innført, høyrde Austrheim såleis til Lindås kommune. Den nye Austrheim kommune, skild ut frå Lindås i 1910, omfatta også Fedje (fram til 1947), men framleis høyrer Austrheim til Lindås prestegjeld.

Gardane i den noverande Austrheim kommune høyrde med få unntak til Lindås skippreide heilt frå mellomalderen av.

Dette spreidde øyområdet, med over 500 store og små øyar, er eit gammalt

kulturområde og eitt av dei finaste sjøbruksområde og kystmiljø i fylket.


I Øyane har båten vore livsnødvendig gjennom mange tusen år; heilt frå steinalderfolket ferdist her i sine skinnbåtar og fram til dei smekre betongbruene som spenner over straumane: Bakkastraumen, Kjelstraumen og Fosnstraumen.

Frå Snekkeviki kan du vandra ein innhaldsrik kulturstig fram til det fine vesle kvernhusanlegget i Hoplandsmarka – eit nærbilete av naturalhushaldets energiforsyning.

Og med den i tankane har du det rette perspektivet for å sjå Mongstadanlegget, like innanfor grensa til Lindås.

Heilt nord på Lindåslandet smalnar landskapet av i eit smalt nes:

Vardetangen. Dette er fastlandsnoregs vestlegaste punkt



**PÅ BLÅ GRUNN
TRE SØLV BJELKAR
BØYGDE NEDOVER**


Våpenet er godkjent ved kgl. res. 17.2.1989, og er teikna av Svein Skauge. Kommunen er ein øykommune og innbyggjarane er avhengige av båtar og bruer for å koma seg fram. Kommunen er i dag bunden saman av vel 30 større og mindre bruer. Det er tre bruer som er det heraldiske motivet på kommunevåpenet.

⚔ AUSTRHEIM

Austrheim tyder beint fram «heimen i aust». Truleg har ein eldre gard «Vestheim» gått inn i Austrheim. Førland inneheld gno. fyr «stad der det veks furu». Namn på Kross- kan ha ulike opphav, m.a. etter form og etter oppsette krossar. Førsteleddet i Kjelstraumen, skriv Keilustraumr i gno. tyder «smalt sund, renne». Hopland er usikkert, namnet finst òg i Meland. Sisteleddet i Rongevær tyder «opp-haldsstad». (Rong, Øygarden @285). Njøti, ofte skriv Njøten, heng saman med gno. njóta «nyta, ha godt av» og er i slekt med Nøtterøy i Vestfold. Mastrevik (Mastrevikane) fortel kanskje om at dei har skipa ut skipsmaster her. Fønnes er usikkert, det er tolka både som «franneset» og som «ferjestadneset».

FRÅ STEINALDER TIL OLJEALDER

Steinalderbuplassane har lege tett på begge sider av den fiskerike Fosnstraumen, ein av dei beste fiskeplassane langs Hordalandskysten. Det er maten, havets ressursar, som har drege folk hit gjennom mange tusen år. Ved stader som Fosnstraumen slo dei første fastbuande fangstfolka seg ned for 6000 år sidan, og her rydda dei første jordbrukarane seg bær mot slutten av steinalderen.



Flyfoto av straumen mellom Austrheim og Radøy kommunar.